

Kayëta ixinëm ir Piyer in Lilaya in

Akayëta aŋo ex akinëm and yëgwën baŋi Piyer bamara band okëreceŋ band lapar bani gë bëlaŋwënel bënëgwêš baŋ. Në end osëyali or fudac orebën eŋ, bërëŋwak bëranjëm wëlandëra baŋi do bani wëkarënd në end ine ko legënaŋwëndund Axwën an ga re baxo mëne gogo ko bakaw. Piyer aŋyëgwën këbi mëne Axwën an axo dëgënanand na. Barikan aŋuŋa ko buŋand xali ala kala exo nëngwët ola orexëm ol do exo teŋ beŋeŋax beŋ. Er ex gër akayëta in:

End or ŋenene do gë end bëlaŋwënel eŋ: 1.1-21.

End ekwëyëta ed osëyali or onëgwêš eŋ: 2.1-22.

En ošën or omakaw ond Axwën eŋ: 3.1-18.

Ecëmar el

¹ Wëno Simoŋ Piyer, ariyenin do parëxanda ir Yesu Kërisët an, këŋun yëgwënëlinid kayëta ijo wën bër gë ekwëta ed xëbënëk ang edebi ak bën, paŋ gë or ŋenene or Kaxanu do gë Afexën Yesu Kërisët ol. ² Oyekax ol do gë obetak ol bašërël ex gër ndewën ga nang këneŋbi ako Kaxanu do gë Yesu, Axwën arebi an.

End oxëreceŋ eŋ

³ Kaxanu ayël yël këbo gë panga indexëm in dëŋ dek bebër kë yana ene dīyaxënënde ang ex ola or Kaxanu ak mëŋ ar wăcëgu këbo gë enjaran endexëm eŋ do gë ekëbënaŋik endexëm an.

⁴ Pab gë enjaran ejo do gë ekëbënaxik ejo, yël këbo Kaxanu beber beya babo bën, en koraxën en cana osëmbak or gër ngwën ol or oñandi oñëñenax ok do en cotaxën ola or Kaxanu ol.

⁵ Awa në end ejo dëñ, kemënayin gë obal osëm en başaxën gër ekwëta edewën owerëgweran ol, do gër owerëgweran, onangëran ol. ⁶ Başin gër onangëran, egi ed gë anjus el do gër egi ed gë anjus el, ekemënal el. Başin gër ekemëna, epëb ed Kaxanu el. ⁷ Bëte başin gër epëb ed Kaxanu, ebalër ed gër aminëmëra and oxëreceñ el do gër ebalër ed gër aminëmëra and oxëreceñ, añana añ. ⁸ Enimin, angëmëne benjekax bejo ahi hik gër ola orewën do ex ñëmb, an ñana na en bayind gë bandixa banjekax këm, an gi na gë odëwërewen këm, gër enang ed Yesu Kërisët, Axwën arebi el. ⁹ Barikan ar şanëk bejo an, axo watërand na aye, xali hi ko ang aşıwëk fo. Axwëya xwëya ko angunëtan and bamena band baxo rind and ganëka añ.

¹⁰ Bëte bëmaÿe, kemënayindën en balëkënali nëmëc oñac or wñac këñun do gë eyata ed yata këñun Kaxanu el. Angëmëne mondako kën rind, din an pokër na. ¹¹ Ata Kaxanu mondako këñun fërëtënaxën ebët eñangax, en dilaxën gër owun or din ir din or Yesu Kërisët, mëñ ar ex Axwën arebi do Afexën arebi an.

¹² Mëñ ex bëte, wëno din këmün ÿana mun kwitanënd bejo ga nang kën anëka do lëkaya kën ðal ir şot kën in. ¹³ Yëla këme aye yek, nand bayi këme gër eman ejo na, mun nëngëtënd gë bend këmün xwitanënd bejo. ¹⁴ Gayikwa Yesu Kërisët, Axwën arebi an, anangën nangën ke

mëne gogo këme sês. ¹⁵ Barikan gë oxor oram ol këme ri mun tebëtanaxën er këjrun yãana eñun kwitanënd, nand ex yo, beño ðek.

End enjaran eñ

¹⁶ Enimin, biyi ex otede od watëk ola oxëbëanaxik or Yesu Kërisët, Axwën arebi ol gë bangës bandebi baño dëñ. Anangën nangën këmun panga indexëm in do gë omakaw ondexëm oñ, xarak ax gi ex na gë bendacan bend xamën këni bela. ¹⁷ Gayikwa Faba Kaxanu yël këño or gapak ol do gë enjaran añ yatir wëli bax oniŵ orexëm ol gër enjaran ekëbëanaxik eño ga kë re: «Ajo ex Asëñiŵën ar pëlot gër yomb iram an, wëno monëgan ke nënganënd endexëm eñ✧.» ¹⁸ Biyi dëñ wël bax oniŵ olo ga wëliwëk gër orën and ebami gë Axwën Yesu Kërisët yan gër etënd emënëk añ.

¹⁹ Biyi cëñ, er reya këni bëlawënel in, er mokwëta nëmëc ex. Awa wën aÿap yãpëk eñun balënd end eyeyan elo eñ. Er hik ang lambo ir kë ñoband gër ecamëdan fo xali ex canayaw angoben añ do emal ed oxeya el ex ñoband gër owëkw orewën. ²⁰ Damana beño ðek, anang nang kën mëne gër Oñëgw Omënëk, eyeyan ed alawënel ed ex anjëlan and ala, ax gi ex na. ²¹ Gayikwa, alawënel abax yeyanënd ex na ang baxo yëland ak. Angoc Amënëk añ babi wësinënd bëlawënel bën gër onden ondebën end Kaxanu end këni reya eñ.

✧ **1:17** 1.17 Maco 17.5

2

End bësëyali bënëgwêş eŋ

¹ Akarëk aŋ, bëlaŵënel bënëgwêş hi bax na gër bulunda ir Isërayel. Bëte mondako fo këni xani bërëmar mërëxand irewën eni gi bësëyali bënëgwêş, eni dîlaliw bënëgwêş bend kë nambelind do eno yaxëtand Axwën an, mëŋ ar racët këbi an. Ata bëjo mocala këni şaland enemi ed bërëxadët el. ² Bëranjëm këbi sêf gër aniyand atëmbak andebën, do bësëxen bën në endebën këni ŷana eni cirënd fëña ir dâl in. ³ Bësëyali bëjo, ga ðan këni napul in kënun ŷana enun yifand gë bend këni yerëtënd bën fo beŋ, enun dëxëlëxaxënënd. Barikan kiti indebën in elod anëka fo wël bax, do enemi edebën el ax gi ex na mocëni!

⁴ Omeleka od wëndëra bax ok, Kaxanu aŋo kaŷënan bana endebën eŋ. Alap lap këbi gër ambëxw atiŵax do xap këbi gë ogweyele-gweyele gër acamëdan ang gë gweyele-gweyele fo eni cënixën kiti in. ⁵ Bëte Kaxanu alawë laŵë babi gë oŷëm ol, bëla bësëmbak bër ebax akarëk bën, angwën and baxo femërand Nowe end aniyand and şenene aŋ. Barikan fexën këbi Nowe do gë bëla bëcongëbëxi bësëxe. ⁶ Bëte Kaxanu anëp nëp babi bër gër Sodom do gë Gomor bën and bëlën ko bangol baŋo aŋ. Mondako ri baxo eni nangaxën dëk bësëmbak bën mëne mëŋ axiti ko xitind. ⁷ Barikan aracët racët baŋo Lot, mëŋ ar şenene ar bax xoŷërand, në end eñac end bëwëşik bëjo eŋ. ⁸ Gayikwa ar şenene ar bax liyand gër bangol band Sodom do

gë Gomor ajo, key yo key baŋo yambënënd gër emëkw ed ŝenene edexëm në end eññënax end baxo watënd do baxo wëlënd eŋ. ⁹ Awa eŋo këbo wăsinënd mēne Axwën an axam xam ko edaçët ed bër ŝenene gër ocēmu el. Barikan afeni këbi fenind bësēmbak bën ebi nēpaxën yatir kiti. ¹⁰ Adofa anēp këbi nēp bër këbi yetēyetënd edi ed bemuyaraxik bën, bër kē xašērënd gër edi ed oñandi od eman do kēni yepēnënd or gapak or Axwën bën.

Bēsēyali bēnēgweš bējo, axwēta xwēta kēni ogaf odebēn ok do arafēna kēni rafēnand mēne ani yēdand na ecir ed bangoc bacaraxik band gër orēn el. ¹¹ Xarak omeleka od xuca këbi ojaŵ do gē panga ok dēŋ anēbi nēpēnd na, ani kwēšand na gēr lēngw ir Axwën Kaxanu enēbi cir. ¹² Barikan bën ari kēni rind ang bër gē onden kēm fo, ang oŵacar fo, oŵacar or eŋaš or xwël kēnēbi do enēbi đaw xali eni bër ol. Ašir kēni širēnd er bayik ani nang ex na in. ¹³ Osēmbak orebēn olo axana kēni xana ang acosa fo. Monēngan këbi nēnganënd eyēlaya ed gēr oñandi od eman ogēs od bela đek el. Ošēfēn orewēn ex and kēni yow gēr ed kēn fedēr űambēran aŋ, opēna odewēn ok kēni buyarēnënd. ¹⁴ Bangēs bandebēn baŋ yer orekar fo ex, do din aŋi pedēnd na eññënax eŋ. Ayifa kēnēbi yifand bela bër sitarak bën, monjēlaya yēlaya kēni gēr aŋana and kodī. Ata bējo obaš or xata këbi fo exēni. ¹⁵ Ga seŋ kēni fēña ir ŝenene in, nambēraxēn kēni ga sēf kēni fēña ir Balam, asēñiŵ ar Bosor in, mēŋ ar ħan bax acosa and exo dixēn osēmbak an. ¹⁶ Barikan

fali, mène ngëŋ emacar, yeyan bax ang ala fo do rexëra baŋo në end amena andexëm, alawënel ar ŝenëkët baŋo an, xali xwëŝan këŋo.

¹⁷ Bësëyali bënëgweŝ bëjo, ang bandu band gë men këm fo exëni; ang ebed ed ŝapërelük ekoc fo exëni. Ata bën ŝëni këbi acamëdan aŋ. ¹⁸ Gayikwa aŋebëta këni űebëtand eni deya bend gë ofëcak këm, bend gë ndafënan itëm. Mondako këni rind enëbi yifaxën gë oŋandi oŋacaxik od eman ok bela bër ŝanëguk gë ojaŵ fo gër otaxan od bër kë liyand gër enambëran bën. ¹⁹ Bela bëjo abeya beya banëbi mène aniyand and yaya kënëbi yël, xarak bën dëŋ okadëp od bebër kë nemind exëni. Gayikwa ala kala xadëp ir er wëña këŋo hi ko.

²⁰ Enimin, angëmëne aseb seb këni bemuyaraxik bend gër ngwën ro beŋ paŋ gë enang ed nang këno Yesu Kërisët, Axwën do Afexën arebi el do eni bakan beŋo xali ebi bëña gaŝëxe, awa nëmëc këni nëxena ang nëxena bani aŋanar ak. ²¹ Er fecadox këreni nang dona aniyand and ŝenene aŋ, gë eni nang aye dëŋ, do eni maŝan epoy apela amënëk and sëyali kënëbi aŋ. ²² Awa bën anëka hi këbi eyeyan ed dal ed orenik ed kë rend: «Lanët in anëka bakan ko exo yamb er wis baxo in[☆]» Bëte: «Ambëxwëbëxw anëm and buyi bano ecede-ecede aŋ, anëka rëgwaya ko gaŝëxe gër egway.»

3

End omakaw ond Axwën eŋ

☆ 2:22 2.22 Andorenik 26.11

¹ Wën bëmaÿe bënd ke balënd mbaŋ bëŋo, kayëta ixinëm in këmun ÿëgwënëlinde. Gër okayëta oki oko, këmun xwitanënd bend nang kën aye beŋ, en nëngëtaxën gër onden on-dewën. ² Ata kën ÿana en kwitand bend reya këni, akarëk aŋ, bëlaŵënel bëŵënek beŋ do gë apela and oparëxanda odewën aŋ, apela and ex and ar ex Axwën do Afexën arebi aŋ. ³ Nangin mëne ðamana beŋo ðek, gër bakey bapelatar, bela bër kë sëfënd oñandi oñëŋënax do këni sanënd mbaŋ kë ſanayaw na. ⁴ Do are këni ÿana eni dend: «Feye ngwa exo ar beya bax mëne abaka ko bakaw an? Gayikwa elod ga rašëra këbi gër ecës bëxarëk bën, beÿ bën ang ebax elod and ÿanak ngwën ak bayik[☆].»

⁵ Enimin, bëjo mama dëŋ këni xwëyand mëne akarëk aŋ, paß gë eyeyan ed Kaxanu el hixënek orën ol do gë ebar el, do ebar el ſanëguk gër men do xangëk. ⁶ Ngwën ind angwën aŋo iŋ ſilipa bax kwëc gër amen. ⁷ Xarak Kaxanu, gë eyeyan elo fo re ko ašor ko ſor orën ol do gë ebar ed gërëgako el yatir kiti ind këbi nemin bela bësëmbak iŋ.

⁸ Barikan emat ex end ax gi ex na mokwëya eŋ, wën bëmaÿe bënd ke balënd mbaŋ bëŋo: Gër Axwën, akey amat gwër fo ex gë bëniy wëli do bëniy wëli gwër fo ex gë akey amat. ⁹ Axwën an axo degënan na gër eŋata ed er beya ko, ang këni yëland bëremar ak. Ga këŋun buŋanënd ko ſënin wën ðek en nëngwët ðek ola orewën ol gayik aŋo ñandi ex na ala exo nemi.

☆ 3:4 3.4 Esayi 5.19

¹⁰ Barikan akey and Axwën aŋ, ang arek fo kë yow. Yatijo, orën ol aŝapër kë ŝapër gë ongëbër oñigënaxik. Bebër ex gër orën gë xodux bën, ex pëtëra. Ata ebar el, gë bebërexëm bën ex wati ang ex ak. ¹¹ Awa gayikako bebijo dek afët kë fët, wën nëkonin ba mondake yäpëk en diyand! Gë ola owënëk do gë epëb ed Kaxanu ¹² yäpëk en cënind do en ñandënënd akey and Kaxanu aŋ, akey and kë fëtëra bebër ex gër orën gë xodux aŋ. ¹³ Xarak biyi aŝëni këne ŝëni nde bebër beya këbo Kaxanu bën: orën oxaŝax do gë ebar ekaŝax, gër ed kë xëñ or ŝenene ol. Ata biyi eŋo këne ŝëninde.

¹⁴ Wën bëmaÿe bënd ke balënd mbaŋ bëŋo, awa gër oŝën olo, kemënayin eŋun təkati Axwën an bëwënëk, bër gë etëmbak këm, gër aketëxeta. ¹⁵ Pënileŋun mëne ebuŋan ed buŋan këŋun Axwën arebi el ex apexa andewën aŋ, ang yëgwën këŋun bëte Pol, mëŋ imaÿe ind këbo balënd mbaŋ iŋo, gë orenik or ŝot ko ol. ¹⁶ Mondako ko yëgwënd Pol gër dek okayëta odexëm and ko yeyanënd beŋo aŋ. Barikan bengas exëna bend lakëk epëni. Ata bër sitarak gër onden do ani piri ex na gër onangëran bën, anëngwët këni nëngwëtënd er kë rend in. Ado mondako fo këni rind gë Oñëgw Omënëk ocëxe ok do këni neminayand gë andebën aŋ dëŋ.

¹⁷ Awa gayikako gana gana fo nang kën beŋo, wën bëmaÿe bënd ke balënd mbaŋ bëŋo, perënayin de këdi kënëbi sëfa bela bëwëŝik bëjo gër enambëran edebën do en teb ekemëna el. ¹⁸ Barikan piriyin gër oyekax do gër enang ed Yesu Kërisët, Axwën do Afexën arebi el. Mëŋ

xwënëk enjaran eŋ, gërëgako do xali din ir din!
Amen!

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: (Oniyan)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

8b7902f3-5e35-5b89-86b2-c6da1be458b9